



Sud Bosne i Hercegovine

Krivično odjeljenje – Odjel I za ratne zločine

Saopćenje za javnost

Datum: 17. 3. 2022.

Broj predmeta: S1 1 K 018441 16 Kri

Ime: Božidar Perišić i dr.

Broj: 22-03/4979

Otpremljena drugostepena presuda u predmetu Božidar Perišić i dr.

Vijeće Apelacionog odjeljenja Suda Bosne i Hercegovine otpremilo je **3.3.2022.** drugostepenu presudu u predmetu **Božidar Perišić i drugi** od **4.2.2022.**, kojom su odbijene kao neosnovane žalba Tužilaštva Bosne i Hercegovine i žalba branioca optuženog **Božidara Perišića**, a potvrđena prvostepena presuda Suda Bosne i Hercegovine od 5.7.2021. godine.

Prvostepenom presudom optuženi **Božidar Perišić** je oglašen krivim što je za vrijeme rata u Bosni i Hercegovini, tokom rasprostranjenog i sistematičnog napada jedinica vojske i policije Srpske Republike BiH, a potom Republike Srpske (VRS), usmjerenog protiv civilnog bošnjačkog stanovništva na području općine Rogatica, koji je trajao od maja 1992. godine najdalje do kraja 1992. godine, znajući za taj napad i svjestan da njegove radnje čine dio tog napada, kao pripadnik Prve podrinjske lake pješadijske brigade VRS (Rogatička brigada VRS), vršio progon civilnog bošnjačkog stanovništva na nacionalnoj, vjerskoj i etničkoj osnovi, čime je počinio krivično djelo zločini protiv čovječnosti iz člana 172. stav 1. tačka h) progon, u vezi s tačkom a) lišenje druge osobe života (ubistvo), a sve u vezi s članom 180. stav 1. Krivičnog zakona Bosne i Hercegovine (KZBiH). Sud mu je izrekao kaznu zatvora u trajanju od **deset (10) godina.**

Optuženi **Božidar Perišić** i **Vinko Zoranović** oslobođeni su optužbe da su za vrijeme rata u Bosni i Hercegovini, tokom rasprostranjenog i sistematičnog napada jedinica, vojske i policije Srpske Republike BiH, a potom Republike Srpske (VRS), usmjerenog protiv civilnog bošnjačkog stanovništva na području općine Rogatica, koji je trajao od maja 1992. godine do kraja 1993. godine, znajući za taj napad i svjesni da njihove radnje čine dio tog napada, **Božidar Perišić** kao pripadnik Prve podrinjske lake pješadijske brigade VRS (Rogatička brigada VRS), a **Vinko Zoranović** kao pripadnik Stanice javne bezbjednosti (SJB) Rogatica, vršili progon civilnog bošnjačkog stanovništva na nacionalnoj, vjerskoj i etničkoj osnovi, i to učešćem u ubistvima, silovanjima, teškim oduzimanjima slobode i drugim nečovječnim djelima, čime bi optuženi **Božidar Perišić** počinio krivično djelo zločini protiv čovječnosti iz člana 172. stav 1. tačka h) progon, u vezi s tačkom a) lišenje druge osobe života (ubistvo) i tačkom a) člana 173. stav 1. napad na civilno stanovništvo, naselje, pojedine civilne osobe ili osobe onesposobljene za borbu, a taj je napad posljedovao smrću, teškom tjelesnom ozljedom ili teškim narušenjem zdravlja, a sve u vezi s članom 180. stav 1. KZBiH i krivično djelo zločini protiv čovječnosti iz člana 172. stav 1. tačka h) progon, u vezi s tačkom k) druga nečovječna djela, i tačkom a) člana 173. stav 1. napad na civilno stanovništvo, naselje, pojedine civilne osobe ili osobe onesposobljene za borbu, a taj je napad posljedovao smrću, teškom tjelesnom ozljedom ili teškim narušenjem zdravlja, a sve u vezi s članom 180. stav 1. KZBiH, a optuženi **Vinko Zoranović** krivično djelo zločini protiv čovječnosti iz člana 172. stav 1. tačka h) progon, u vezi s tačkom g) prisiljavanje druge osobe upotrebom sile ili prijetnje direktnim napadom na njen život ili tijelo ili na život ili tijelo njoj bliske osobe, na seksualni odnos ili s njom izjednačenu seksualnu radnju (silovanje), a sve u vezi s članom 180. stav 1. KZBiH.
